

## ԱՐԱՋԱԽՈՐԱՑ ՊԱՀՔԸ ՀԱՅ ԴԱՍՏԱԿԱՆ ՄԱՏԵՆԱԳՐՈՒԹԵԱՆ ՄԷՋ

(Շար. 2 «Բազմավեպ», ձԶ (2022), թիւ 1-2, 129-183)

ԱՐԱՋԱԽՈՐԱՑ ԵԻ ՔԱՌԱՍՆՈՐԴԱԿԱՆ  
ՊԱՀՔԵՐԻ ՓՈԽԿԱՊԱԿՑՈՒԱԾՈՒԹԵԱՆ  
ԾԻՍԱՊԱՏՄԱԿԱՆ ՆԱԽԱԴՐԵԱԼՆԵՐԸ ԵԻ  
ԱՍՏՈՒԱԾԱԲԱՆԱԿԱՆ ԻՄԱՍՏԱԽՈՐՈՒՄԸ

(Ե. ԳԼԽԻ ՅԱԿԵԼՈՒԱԾ-ԱՐՏԱՃԱՌ)

### ՆԵՐԱԾՈՒԹԻՒՆ

Սոյն ուսումնասիրութեան Ե. գլխի առաջին բաժնի վերջում, Առաջաւորին վերաբերող վրացական կանոնը քննելիս նշել էինք, որ Առաջաւորաց եւ Քառասնորդական պահքերի փոխկապակցուածութեան իմաստաւորումը կը դիտարկենք առանձին ուսումնասիրութեամբ<sup>344</sup>: Իսկ գլխի ամենավերջում, ասորի նուիրապետի կողմնապահ գնահատականների առիթով, խոստացանք յաջորդիւ հանդէս գալ առանձին արտաճառով<sup>345</sup>, որում կը դիտարկուեն այն ծիսապատմական նախադրեալները, որոնք առիթ են հանդիսացել Հայոց Եկեղեցում Առաջաւորի պաշտօնական հաստատման համար: Այս երկու խոստումները միաւորւում են սոյն յաւելուածում, քանզի մեր համոզմամբ Առաջաւորի սահմանում ուղղակիորէն կապուած է Քառասնորդական պահքի եւ նրա շուրջ ծագած խնդիրների հետ՝ հանդէս գալով որպէս դըրանց իւրօրինակ լուծում:

344 «Բազմավեպ», ձԶ (2022), թիւ 1-2, 145:

345 Անդ, 182:

Յիշենք, որ վրացական կանոնի հեղինակը, ելնելով նրանից, որ Մեծ պահքն, իբր, ըստ «առաքելական» աւանդութան եւ «հայրերի վարդապետութեան», ի սկզբանէ լինելով եօթշաբաթեայ, բաղկացած է եղել երկու՝ Քառասնորդական եւ Զատկական պահքերից, ամբաստանում է ինչպէս Պանրուտէքի, այնպէս էլ Առաջաւորի շաբաթները Մեծ պահքի մէջ ներառելը, ինչով, ըստ նըրա, խաթարում է աւանդուած կարգը, եւ պահքը դառնում է ութշաբաթեայ: Իսկ ասորի նուիրապետը, ելնելով այն թիւր համոզմունքից, թէ Առաջաւորը ոչ այլ ինչ է, քան Զ. դարի վերջերում Արեւելեան Ասորիքում սահմանուած Նինուէացիների պահքի փոխառում, ամբաստանում է հայերի կողմից պահքին ազգային ծագում վերագրելը, ինչպէս նաեւ՝ «հերձուածողական» իմաստաւորում տալը: Թերեւս վերջինս վերաբերում է Առաջաւորը Քառասնորդական պահքի հետ առնչող ուսմունքին: Առջեւում կը տեսնենք, որ նման ամբաստանութիւնները բխում են Առաջաւորաց եւ Քառասնորդական պահքերի փոխապակցուածութան մակերեսային եւ պարզունակ ընկալումից: Հայոց Եկեղեցում Քառասնորդական պահքի ծիսաստուածաբանական ընկալումը թէ՝ ինքնին, թէ՝ Առաջաւորի հետ իր առնչութամբ, բաւական բարդ է ու նրբին: Մեր համոզմամբ, դա հետեւանքն է Մեծ պահքի հետ կապուած այն ծիսապատմական զարգացումների, որոնք հանգեցրել են տարբեր ժամանակներում որդեգրուած սկզբունքների իւրայատուկ վերագրման: Հայոց վարդապետներն առհասարակ զգուշացել են նրանից, որ հեղինակաւոր աղբիւրից որդեգրուող նոր կարգերի պատճառով ժխտուեն արդէն նուիրագործուած նախկին աւանդոյթները: Եւ դա զրդել է մշակել այնպիսի ծիսաբանական ըմբռնումներ եւ կազմակերպել այպիսի աստուածպաշտական համակարգեր, որոնցում հինն ու նոր հընարաւորինս համադրուել են եւ ստացել իւրօրինակ լրացուցիչ մեկնաբանական իմաստաւորումներ:

\* \* \*

Ինչպէս յայտնի է, Քառասնորդական պահքի աւանդութիւնը բնաւ չի սերում առաքելական ժամանակներից, իսկ առաքեալներին վերագրուող բազմաթիւ կանոնների ու կանոնախմբերի մեծ մասը կազմուել են Բ.-Ե. դարերում եւ ըրջանառել տարբեր Եկեղեցիներում՝ տարբեր խմբագրութիւններով:

Քառասնորդական պահքի ծագումն առ այսօր մնում է բաւական առեղծուածային: Եթէ մի ժամանակ ընդունուած էր կար-

ծել, թէ այն ծագել է նախազատկական պահքի աստիճանական ընդլայնումից<sup>346</sup>, ապա աւելի մեզամօտ եւ մանրակրկիտ ուսումնասիրութիւնները ցոյց են տալիս, որ այն, կարծես թէ, ուղղակի ծագումնաբանական առնչութիւն չունի նախկին կարճատեւ նախազատկական պահքերի հետ։ Այս պահքի վերաբերեալ այսօր շրջանառող մի քանի վարկածները նրա ծագումն աւելի առեղծուածային են դարձնում<sup>347</sup>։ Իբրեւ ստոյդ պատմական փաստ կարելի է ընդունել միայն այն, որ այն յայտնուել է բաւական անսպասելի կերպով եւ արագ տարածուել նիկիայի տիեզերաժողովից (325) յետոյ եւ որ Դ. դարի երկրորդ կէսում արդէն գործում էր գրեթէ ողջ քրիստոնեայ աշխարհում՝ հիմնականում վեցշաբաթեայ ծիսակարգով։

Դ. դարի վերջերում նկատւում է վեցշաբաթեայ Մեծ պահքի տեսողութեան ընդլայնման որոշակի միտում։ Յայտնուում են եօթ եւ ութ շաբաթից բաղկացած Մեծ պահքի տարբերակներ։ Այսպէս, 380 թուականին Ասորիքում կազմուած «Սահմանադրութիւնն առաքելոց» («Constitutiones apostolorum») կանոնախմբում<sup>348</sup> Մեծ պահքը եօթշաբաթեայ է, իսկ ըստ 381-383 թուականների վկայութեան՝ Երուսաղէմում Մեծ պահքն ութշաբաթեայ էր<sup>349</sup>։

346 Տե՛ս, օրինակ, СКАБАЛЛАНОВИЧЪ, М., Великий постъ. Очеркъ изъ стати-  
ки и истории христіанскаго обряда, Кіевъ 1910, 40-41:

347 Տե՛ս, օրինակ, RUSSO, N., *The Early History of Lent in Christian Reflection (A Series in Faith and Ethics)*, Baylor University, Waco (Texas) 2013.

348 FUNK, F. X., *Didascalia et Constitutiones apostolorum*, Volumen I, Paderbornae 1905 (այսուհետ՝ FUNK, *Didascalia et Constitutiones apostolorum*), կանոն V.13, 269-271։ Այս ընդարձակ, 8 կանոնախմբերից բաղկացած ժողովածուում բանաֆաղուել, վերեմշակուել եւ խմբագրուել են Գ.-Դ. դարերում ստեղծուած «առաքելական» ծագում վերաբրուող մի քանի կանոնախմբեր, ինչպէս նաև յաւելուել են նոր կանոններ։ Ըստ Ֆ. Ֆունֆի, այն իր վերջնական տեսքը ստացել է Ե. դարի առաջին տասնամեւակերում (տե՛ս FUNK, F. X., *Die Apostolischen Constitutionen*, Hottenburg 1891, 76-112, 281-355)։ Սակայն այսօր այդ ժամանակը համարում է մօտ 380 քուականը, իսկ ստեղծման վայրը՝ Անտիոք (տե՛ս METZGER, M., *Les Constitutions Apostoliques*, Volume 1, Paris 1985, 54-62):

349 Egeria: *Itinerarium peregrinatio*, Pars secunda, XXVII.1 (ըստ <http://www.Thelatinlibrary.com/egeria2.html>): Նաեւ՝ *The Pilgrimage of Egeria*, A New Translation of the *Itinerarium Egeriae* with Introduction and Commentary, MCGOWAN, ANNE – BRADSHAW, PAUL F., Liturgical Press, Collegeville, Minnesota, 2018, 118, 131:

Առաջին հայեացքից, սա կարծես թէ պարզապէս Զատիկն աստիճանաբար աւելի ու աւելի տեւական պահքով պատուելու ձգտման բնականոն շարունակութիւնն է: Բայց իրականում պատկերն այդքան պարզ ու միագիծ չէ: Ե. դարի սկզբում, օրինակ, Պաղեստինում Մեծ պահքը դարձեալ վեցշաբաթեայ էր<sup>350</sup>, բայց քիչ անց՝ առնուազն 20ականներին այն դարձաւ եօթշաբաթեայ<sup>351</sup>: Իսկ Զ. դարի վերջում այստեղ նորից արձանագրուել է ութշաբաթեայ Մեծ պահք<sup>352</sup>, որ դարձեալ երկար չի տեւել:

Այս ամէնը կապուած է մեզ ծանօթ այն հանգամանքի հետ, որ քրիստոնեաների բարեպաշտական նախանձախնդրութիւնը ոչ մի կերպ չէր հաշտում փաստացի պահեցողութեան օրերի ընդհանուր թուի՝ քառասունից պակաս լինելու հետ<sup>353</sup>: Բայց խնդրի լուծումն իր հերթին յարակցում էր արդէն իսկ գոյութիւն ունեցող այնպիսի արմատական տարբերութեան հետ, ինչպիսին էր շաբաթ օրուայ տօնական կարգավիճակն Արեւելքում եւ ոչ տօնականն՝ Արեւմուտքում<sup>354</sup>: Բնականաբար, փաստացի պահեցող-

350 «Καὶ τὴν πρὸ ταύτης δὲ καλουμένην τεσσαρακοστήν, ἐν ᾧ νηστεύει τὸ πλῆθος, οἱ μὲν εἰς ἔξ ἑβδομάδας ἡμερῶν λογίζονται, ὡς οἱ Ἰλλυριοὶ καὶ οἱ πρὸς δύσιν, Λιβύη τε πᾶσα καὶ Αἴγυπτος σὸν τοῖς Παλαιστίνοις» (PG 57, *Ερμείου Σωζόμενου εκκλησιαστική ιστορία*, Lib. VII, Cap. XIX, col. 1477).

351 Այս ենթադատողութիւնը հետևում է այն փաստից, որ երուսաղէմեան ծիսամատեանն՝ այսպէս կոչուած «Սահմանիք», որում Մեծ պահքը եօրշաբաթեայ է, Ե. դարի 20ական թուականներին սկզբներին քարգմանուել շաբաթեայ է, Ե. դարի վերջում այսպէս կոչուած «Սահմանեան», Ու., Հայոց տօնացոյցը (4-18-րդ դարեր), ՀՀ ԳԱԱ. «Գիտութիւն» հրտ., Երեւան 1999, 31:

352 *Tον οσίον Πατρός ἡμών Διορόθεον Διδασκαλία ψυχωφελεῖς διάφοροι, Διδασκαλία ΙΕ'.* Περὶ τῶν ἀγίων νηστειῶν (PG 88, col. 1788).

353 Փաստացի պահեցողութեան եւ այն 40ի հասցնելու սկզբունքի մասին մանրամասն տե՛ս սոյն աշխ. գլուխ Բ., «Բազմավկէպ», ՃՀԵ (2017), թիւ 1-2, 90-91 եւ գլուխ Ե., «Բազմավկէպ», ՃԶ (2022), թիւ 1-2, 133 եւ ծնբ. 201, 202:

354 Արեւմուտք եւ Արեւելք ասելով՝ սոյն աշխատութեան մէջ ի նկատի ունենք Հոռմէական կայսրութեան արեւելեան եւ արեւմտեան մասերը, որոնք մինչեւ 395 թուականի բաժանումը առանձին պատութիւնների, ինչը որոշակի աղդեցութիւնն է քողել նաև կայսրութեան եւ նրան յարակից երկրների եկեղեցական կեանիքի վրայ: Բնականաբար, Եկեղեցու համար այս բաժական պայմանական բնոյթ ունի, քանզի նրանում նկատուող «արեւմընումը» եւ «արեւելեան» յատկանիշները միշտ չեն որ համապատասխանեան» եւ «արեւելեան» յատկանիշները միշտ չեն:

**Դութեան օրերի ցանկալի քանակն ապահովելու դէպքում, Մեծ պահքի ընդհանուր տեւողութիւնն Արեւելքում եւ Արեւմուտքում պէտք է տարբերուէր:** Որոշակի պատմական պահի, երբ Արեւելքում Մեծ պահքը հիմնականում եօթշաբաթեայ էր, իսկ Արեւմուտքում՝ դեռեւս վեց, այդ տարբերութիւնն այնքան էլ մտահոգիչ չէր, մանաւանդ որ երկու տարբերակներում փաստացի պահցողութեան օրերի քանակը ոչ միայն նոյնն էր (36.5), այլեւ տուեալ թիւը մեկնաբանում էր իբրեւ նույիրական խորհրդանիշ, եւ համարւում էր, որ ըստ էութեան, ողջ Հնդհանրական Եկեղեցում գործում է միեւնոյն համակարգը («una ratio») <sup>355</sup>: **Բայց երբ**

- նում էին աշխարհագրութեամբ: Ինչպէս Արեւմուտքում եղել են եւ առ այսօր առկայ են արեւելեան ազդեցութեամբ կայացած աւանդութիւններ, այնպէս էլ Արեւելքում՝ արեւմտեան ազդեցութամբ:
- 355 Կասիանոս Հռոմեացին այսպէս էր բացատրում. բանի որ Արեւմուտքում Քառամորդական պահքը լուծարւում է միայն կիրակի օրերին, վեցշաբաթեայ պահի փաստացի պահեցողուեան օրերի գումարը կազմում է 36 (6x6): Իսկ Արեւելքում եօթշաբաթեայ պահքի մէջ լուծարւում էին նաև շաբաթ օրերը, բացի Սւագ Շաբաթ օրից, ինչի շնորհի փաստացի պահեցողութեան օրերի գումարը նոյնպէս կազմում էր 36 (7x5+1): Բայց այս թուին գումարւում էր նաև «միջեւ Զատիկի լուսարացի աշխարհամշը», ըստ կարգի, շարունակուող պահքի ժամանակը, եւ օրերի ընդհանուր թիւը դառնում էր 36.5: Իսկ վերջինս, լինելով տարուայ  $\frac{1}{10}$  մասը, «ամեկանած ճախատեսուած է Մեծ պահքի հաշուարկում» իբրեւ «տասանորդ մեր կեամից եւ զրադմութեարից ու գործքից»: Ուստի եւ, ըստ Կասիանոսի, Արեւելքում եւ Արեւմուտքում Քառամորդական պահքը ներկայացնում է «միջեւնոյն համակարգը». «... sex vel septem hebdomadibus per nonnullas provincias Quadragesimam celebrarit, una ratio idemque jejuniorum modus diversa hebdomadarum observatione concluditur. Hi enim sibi sex hebdomadarum observantiam praefixerunt, qui putant die quoque sabbati jejunandum. Sex ergo in hebdomada jejunia persolvunt, qui eosdem sex et triginta dies sexies revoluta consummant». «.... nihil irrationaliter nostros tradidisse majores .... qui substantiarum nostrarum omniumque fructuum decimas offerre praecipimus, multo magis necesse est ut ipsius quoque conversationis nostrae et humani usus operumque nostrorum decimas offeramus, quae profecto in suppeditatione Quadragesimae evidenter implentur. Omnium enim dierum numerus quibus revolutus in orbem annus includitura, triginta sex semis dierum numero decimatur. In septem vero hebdomadibus, si dies dominici et sabbata subtrahantur, quinque et triginta supersunt dies jejuniis deputati; sed adjecta illa vigiliarum die, qua usque in gallorum cantum, illucescente dominica, jejunium sabbati protelatur, non solum sex et triginta dierum numerus adimpletur, verum etiam pro decimis quinque dierum qui residui videbantur, si illud quod superest, adiectum noctis spatium computetur,

սկսեց գերիշխել փաստացի պահեցողութան օրերը քառասունի հասցնելու կամ, այլ կերպ ասած, քառասնօրեան միայն այդ օրեւով հաշուարկելու սկզբունքը, միևնույն համակարգը յայտնուեց փլուզման եղրին: Քանզի, եթէ Արեւմուտքում դրա համար պահանջուեց վեց շաբաթին յաւելել չորս օր, ապա Արեւելքում, նոյն սկզբունքը կայացնելու համար, պահանջուում էր ութ շաբաթ: Իսկ նման տարբերութիւնն, անշուշտ, մտահոգիչ էր, եւ գլխաւոր նուիրապետական աթոռները, յանուն միեղնութեան, դա չպէտք է յանդուրժէին եւ, բնականաբար, փնտուում էին խնդիրն այլ կերպ լուծելու եղանակներ: Առջեւում մանրամասնօրէն կը դիտարկենք այս առիթով տեղի ունեցած տարաբնոյթ եւ իրարամերժ գործընթացները եւ կը փորձենք հնարաւորինս յստակեցնել զարգացումների ընդհանուր պատկերը: Բայց կարեւոր է այստեղ կանխապէս նշել, որ այդ խնդիրն ի վերջոյ լուծուել է (կամ համարուում է լուծուած) Մեծ պահքի փաստացի պահեցողութեան եւ նուիրական (շաբաթ եւ կիրակի) օրերին համահաւասար պահոց կարգավիճակ վերագրելով: Արդիւնքում առաջացաւ եկեղեցու պահքը ճգնաւորական պահքից անջատելու տեսութիւն, ըստ որի՝ տօնական օրերին շարունակուող պահքը վերաբերում է միայն հաւատացեալի սննդակարգին, մինչդեռ ծիսաբանօրէն այդ օրերը շարունակում են համարուել ոչ պահոց (եւ ոչ ապաշխարութեան) օրեր: Այս «լուծումը» կարծես թէ վերջնական է եւ առ այսօր գործում է բոլոր առաքելական եկեղեցիներում: Բայց սկզբնական շրջանում այն ոչ միայն այս աստիճան վերջնորոշ բնոյթ չունէր (քանի որ նորաձեւութեան հեղինակները սկզբում չէին «համարձակուում» նուիրական օրերում հաստատել ամբողջովին պահոց սննդակարգ՝ յարգելով այդ օրերի ուրախարար բնոյթը), այլեւ հանդիպել է լուրջ դիմադրութեան եւ առիթ տուել վիճարկումների ու նոր փնտուառքների: Դեռեւս սոյն աշխատութեան Բ. գլխում մենք նշել էինք, որ փաստացի պահեցողութեան օրերի քանակի հարցը խորքում առաւել ծիսաբանական է<sup>356</sup>: Քանզի, եթէ պահոց օրերի պահանջուող քանակը լրացւում է տօնական օրերի հաշուին, ապա մի

plenitudini totius summae omnino nihil deerit» (Patrologia Latina, Tomus 49, JOANNIS CASSIANI ABBATIS MASSILIENSIS Collationum XXIV collectio in tres partes divisa, Collationum pars tertia, Collatio vigesima prima, Abbatis Theonae (De remissione quinquagesimae) Collatio vigesima prima, Caput XXIV-XXX. coll. 1200-1209):

356 «Բազմապէտ» 2017 № 1-2, 91:

կողմից պահքը ծիսաբանօրէն մնում է թերակատար, միւս կողմից՝ տօնելի օրերի խորհուրդը պահքով իսկ աղճատում է։ Այսօր դժուար է պատկերացնել այս խնդրի լրջութեան աստիճանը, քանի որ վաղուց արդէն հաւատացեալի ամէնօրեայ բարեպաշտական կեանքը հիմնականում բաւական մակերեսային կերպով է կապուած եկեղեցական աստուածպաշտութեան բովանդակութեան հետ։ Առաւել եւս դժուար է պատկերացնել, թէ որքանով է թերի (Եւ անգամ՝ անընդունելի) պահքը, եթէ եկեղեցում այդ օրը ապաշխարութեան երգ եւ քարոզ չի կատարում։ Մինչդեռ հընում բարեպաշտական պարտականութիւնները եւ եկեղեցական աստուածպաշտութիւնը անհամեմատ սերտազերս էին ու համընթաց։ Եւ այդ միեղէնութեան խախտումը վերապրում էր իրբեւ խոր աններդաշնակութիւն, քանզի դրանով, ինչպէս նկատեցինք վերեւում, մի կողմից անլիարժէք է դառնում պահքը, միւս կողմից՝ աղաւազում է նուիրական օրուայ խորհուրդը։ Այս պատճառով, խնդրի այն «լուծումը», որ ցայսօր որդեգրել է ողջ եկեղեցին (այդ թւում, արդէն՝ նաեւ Հայոց), իրականում, դասական ծիսասատուածաբանական եւ ծիսաբարեպաշտական չափանիշներով, անկատար է։ Եւ, կրկին նշենք, որ ժամանակին այս խնդրի շուրջ դարձեր շարունակ ընթացած վէճերը խօսում են նրա լրջութեան մասին, իսկ դրանց դադարումը՝ աւաղ, ինչպէս պահքի, այնպէս էլ տօնական ու նուիրական օրերի խորհուրդների ընկալման որոշակի արժէզրկման։

Արդ, յատուկ ուշադրութեան է արժանի, որ ժամանակին Հայոց եկեղեցին, նկատելով ծառացած խնդրի լրջութիւնը, հակադրուել է այն թերակատար կերպով լուծելու վերոնշեալ միտուածութեանը։ Եւ, որքանով որ, ըստ ժամանակի ոգու թելադրանքի, ուժի մէջ էր փաստացի կամ լիարժէք պահեցողութեան օրերի թիւը քառասունի հասցնելու հրամայականը, կարեւորեց եւ ընդունեց ծառացած խնդիրը յաւելեալ պահոց օրերով լուծելու գաղափարը։ Բայց այդ լուծումը սկզբունքօրէն տարբերուեց անընդմէջ ուժշաբաթեայ Մեծ պահք սահմանելուց։

Ինչպէս յայտնի է, Ե. դարի սկզբում, Հայոց եկեղեցում, երուսաղէմեան «Սահմանք»ի թարգմանութեամը<sup>357</sup> որդեգրուել էր եօթշաբաթեայ Մեծ պահքի սահմանակարգ՝ բաղկացած երկու քառասնորդական եւ Զատկական պահքերից։ Մեր դիտարկումները դրդում են եթադրել, որ այս կարգի հաստատմանը երուսա-

357 Տե՛ս սոյն աշխ. ծնթ. 351։

դէմում եւ տարածմանը այլ կենտրոններում նպաստում էր հէնց վերոնշեալ այն սկզբունքն, ըստ որի՝ նրա հետ զուգահեռ սկսեց գործարկուել Մեծ պահքի նուիրական օրերին (բացի Ղազարոսի յարութեան շաբաթից եւ Ծաղկազարդի կիրակիից) ոչ խիստ պահք պահելու նորամուծութիւնը։ Քանզի դրա իսկ չնորհիւ առաջին՝ Քառասնորդական պահքն ընկալում էր իբրեւ լիարժէք պահուող քառասնօրեակ, եւ, փաստօրէն, վերանում էր պահանջուող քառասնօրեան այլ եղանակով լրացնելու գաղափարը։ Բայց որոշակի փաստեր ցոյց են տալիս, որ Հայոց Եկեղեցու համար այդ մօտեցումն անընդունելի է եղել։ Ընդունելով հանդերձ երկու պահքերից բաղկացած եօթշաբաթեայ Մեծ պահքի սահմանակարգը՝ հայոց վարդապետարանում նրա նուիրական օրերը չեն համարուել պահոց օրեր։ Ուստի եւ նրա առաջին մասը՝ Քառասնորդական պահքը, թէեւ ընկալուել է իբրեւ ամբողջական քառասնօրեայ շրջան (որոշակի ծիսասատուածաբանական խորհըրդով), բայց ո՛չ իբրեւ պահանջուող լիարժէք քառասնօրեայ պահք, ճիշտ այնպէս, ինչպէս մինչ այդ գործող վեցշաբաթեայ Մեծ պահքը, որ թէեւ փաստօրէն քառասնօրեակ էր (իր ծիսասատուածաբանական խորհըրդով), բայց չէր համարւում քառասնօրեայ պահք։ Զարմանալի չէ, որ Հայոց Եկեղեցում նոր՝ եօթշաբաթեայ սահմանակարգը ոչ թէ պարզապէս փոխարինեց նախկինին, այլ միաւորուեց նրա հետ, եւ արդիւնքում առաջացաւ երկու՝ միմեանց վերածածկող քառասնօրեաների ուսմունքը<sup>358</sup>, իսկ Քառասնորդական պահք անուանումը դարեր շարունակ վերագրւում էր ամբողջ եօթշաբաթեայ Մեծ պահքին։ Քանզի արդէն որդեգըրուած եւ նուիրագործուած՝ մինչեւ Զատիկլ ընկած քառասնօրեայ շրջանն՝ իր խորհըրդաբանութեամբ, չէր կարող վերացուել իսկ նոր սահմանակարգում ընդունուած՝ մինչեւ Ծաղկազարդ ընկած քառասնօրեան բնոյթով նման էր նախկինին։ Եւ նրանցից ոչ մէկը չէր կարող փոխարինել պահանջուող լիարժէք քառասնօրեայ պահքին։ Այսպիսով, թէեւ եօթշաբաթեայ Մեծ պահքում փաստացի պահեցողութեան օրերի քանակն աւելացաւ, բայց չը-հասաւ պահանջուող քառասուն թուին։ Ուստի վերջինս, իբրեւ ժամանակի հրամայական եւ ծառացած խնդիր, Հայոց Եկեղեցին լուծեց իրեն յատուկ նոյն սկզբունքով՝ առանց խաթարելու արդեմ որդեգրուածն ու նուիրագործուածը, տուեալ դէպքում՝ եօթ-

358 Այդ ուսմունքը մանրամանօրէն կը դիտարկուի սոյն արտահանի վերջում։

շաբաթեայ երուսաղէմեան սահմանակարգը: Եւ դա արուեց դարձեալ՝ հինը նորի հետ համադրելու սկզբունքի կիրառմամբ. խընդիրը լուծուեց վաղուց շրջանառող եւ արդէն հասունացած՝ մեծ, նախագատկական եօթանասնօրեայ նախապատրաստական-ուսուցողական շրջան սահմանելու նախագծի արծարծմամբ<sup>359</sup>: Ինչպէս արդէն նկատել ենք, ամենայն հաւանականութեամբ, այդ եօթանասնօրեայ շրջանը կենցաղավարում էր դեռեւս Ե. դարի առաջին կէսում: Եւ շատ բնական է, որ այն սկսուէր շաբաթապահքով, որ, ամենայն հաւանականութեամբ, կամաւոր էր եւ մէկն էր Մեծ Հայքում (եւ առհասարակ Արեւելքում) տարածում գտած հնաւանդ անհատական բարեպաշտական սովորոյթներից<sup>360</sup>: Եւ արդ, ի վերջոյ, 480ականներին, այն պաշտօնապէս սահմանուեց որպէս նշեալ շրջանը մեկնարկող եւ, միաժամանակ, որպէս Քառասնորդական պահքի նախակարապետ եւ առաջաւոր<sup>361</sup> հանդիսացող շաբաթապահք: Սրանով Առաջաւորաց պահքը ներառուեց Մեծ պահքի խորհրդի մէջ՝ հանդէս գալով ոչ միայն իբրեւ նրա նախասկիզբը, այլեւ՝ իբրեւ փաստացի պահեցողութեան օրերի քանակը քառասունի հասցնելու նախապայման: Այսպէս Հայոց Եկեղեցին, մերժելով Մեծ պահքի տօնական օրերը պահոց օրերի շաբաթում ընդգրկելու գաղափարը, նախընտրեց փաստացի կամ լիարժէք պահեցողութեան օրերի գումարը հասցնել քառասունի սահմանելով Առաջաւորաց պահքը: Բայց սա բնաւ չի նշանակում, թէ Առաջաւորը դարձաւ Մեծ պահքի ութերորդ (կամ՝ առաջին) շաբաթը: Աւելին, որքան էլ տարօրինակ թուայ, հակառակ վրացական կանոնի ամբաստանութեան մէջ բերուած «հիմ-

359 «Բազմավեպ» 2017 № 1-2, 69-70:

360 Կարծում ենք, որ այս շարաբ-պահիքը, նախքան կանոնակարգուելը, գործել է տարերային կեպով՝ իրեն անհատական բարեպաշտական աւանդոյթ եւ սկզբում այն եղել է ոչ թէ հնգօրեայ, այլ՝ վեցօրեայ:

361 Στέ'υ απηχθείσης φιλοτίχνη Φ., ή «Μαρμαρόκη» 2017 № 1-2, 87-89: Πιλαράρων έτοι, ρεκόρ θεατρικής παράστασης στην οποία αποτελείται από την ίδια την θεατρική παράσταση με την οποία συντονίζεται η γενική ιδέα της παράστασης. Η παράσταση παρουσιάζεται ως ένα μοναδικό έργο της θεατρικής τέχνης, στην οποία οι θεατρικοί παραστατικοί διαδικασίες συντονίζονται με την ιδέα της παράστασης. Η παράσταση παρουσιάζεται ως ένα μοναδικό έργο της θεατρικής τέχνης, στην οποία οι θεατρικοί παραστατικοί διαδικασίες συντονίζονται με την ιδέα της παράστασης.

նաւորման», Առաջաւորով լիարժէք պահեցողութեան քառասուն օրերը լրացնելը բնաւ չի հակասել Մեծ պահքի՝ Քառասնորդական եւ Զատկական պահքերից բաղկացած լինելուն։ Այն, որ Առաջաւորի վերոնշեալ դերը Հայոց Եկեղեցում եօթշաբաթեայ Մեծ պահքը չի վերածել ութշաբաթեայի, եւ որ դա ունեցել է ամուր վարդապետական ըմբռնում, երեւում է հէնց Մովսէս Ցուրտաւեցուն վերագրուող նամակից, որ ստիպուած ենք դարձեալ մէջըերել՝ այս անգամ ընդգծելով մեր տեսութիւնը հաստատող հատուածը. «ո՛չ հաւասարել ընդ նոսա ... եւ ոչ ապականել զինորհուրդ եւթն շաբաթուցն պահոց, այլ լնուլ զսուրբ քառասնորդական հինգաւրեայ յառաջաւոր պահովքն»<sup>362</sup>:

Եւ այսպէս, Հայոց Եկեղեցում ութշաբաթեայ Մեծ պահք, իբրեւ այդպիսին, երբէք չի եղել։ Իսկ թէ, այդ դէպքում, ինչպիսի «Հերձուածողական» ուսմունքով է մեկնաբանուել Առաջաւորի միջոցով պահանջուող Մեծ պահքի լիարժէք պահեցողութեան քառասուն օրերը լրացնելու սկզբունքը, կը տեսնենք սոյն արտաճառի վերջում։ Բայց մինչ այդ անհրաժեշտ է անդրադառնալ նաև նախազատկական եւ քառասնորդական պահքերի հնագոյն, հակասութիւններով առլեցուն, բարդ ու խայտաբղետ զարդացումներին։ Քանզի այդ ընդհանուր համայնապատկերի վրայ աւելի պարզ կ'երեւայ, թէ ինչպիսի առարկայական նախադրեալ-ներով է պայմանաւորուել քառասնորդական պահքի՝ Հայոց Եկեղեցում ձեւաւորուած համակարգի առանձնայատկութիւնը՝ Առաջաւորի հետ իր առնչութեամբ։

## ԶԱՏԻԿԻ ԵՒ ՆԱԽԱՋԱՏԿԱԿԱՆ ՊԱՀՔԻ ՀՆԱԳՈՅՑՆ ԶԱՐԴԱՑՈՒՄՆԵՐԸ

Ընդհանրական Եկեղեցում Մեծ պահքի միեղին աստուածապահական համակարգի ձեւաւորմանը խոչընդուռող պատճառներից մէկն էլ այն էր, որ Գ.-Դ. դարերում, գլխաւոր նուիրապետական կենտրոններում արդէն հաստատուել էին նախազատկական պահքի տարբեր տեղական աւանդութիւններ, որոնցից կական պահքի տարբեր տեղական աւանդութիւններ, որոնցից կական պահքանշիւրն իր առանձնայատուկ դերն է կատարել քառասնորդական պահքի ձեւաւարման մէջ։

362 Գիրք թղթոց, Թիֆլիս 1901, 124:

Նախազատկական կարճատեւ պահքի մասին մեզ հասած հընագոյն վկայութիւնը կարելի է համարել Երանոս Լիոնացու († 202) կողմից՝ Հռոմի Վիկտոր Ա. († 199) եպիսկոպոսապետին ուղղուած նամակի մի հատուածը, որ մէջբերել է Եւսեբիոս Կեսարացին († ~339) իր «Եկեղեցական պատմութեան»<sup>363</sup> մէջ։ Նամակի այդ հատուածը ներկայացնելուց առաջ կարեւոր է նշել, որ Երանոսն այն գրել է այն առիթով, որ Հռոմի եպիսկոպոսապետը սպառնում էր բանադրել Փոքր Ասիայի Եկեղեցիներին, որոնք չեն հրաժարում Զատիկը Նիսանի 14ին տօնելու հնաւանդ կարգից, ըստ որի ընդունուած էր որ այդ օրը, «շաբաթուայ որ օրն էլ պատահի՝ պահեն ընդհատել»<sup>364</sup>։ Այդ ժամանակ բոլոր միւս Եկեղեցիներում Զատիկն արդէն տօնում էին Նիսանի 14ին յաջորդող կիրակի օրը, եւ, յանուն միեղինութեան, նուիրապետները ձգտում էին, որ այդ կարգը հաստատուէր նաեւ, դեռեւս հին աւանդութիւնը պահպանող, Փոքր Ասիայի Եկեղեցիներում։ Վերջիններիս համառութիւնը բխում էր նրանից, որ նրանց համոզմամբ Զատիկը ճիշտ իրենց պէս է տօնուել՝ սկսած ս. Փիլիպպոս եւ ս. Յովհաննէս առաքեալների ժամանակից<sup>365</sup>։ Սոկրատ Մքոլաստիկոսն († 439ից յետոյ) իր «Եկեղեցական պատմութեան»<sup>366</sup> մէջ նշում է ժամանակին տարածուած այն կարծիքի մասին, որ այս

363 ԵԽՍԵԲԻՈՍԻ ԿԵՍԱՐԱՑԻՈՅ Պատմութիւն Եկեղեցուոյ, Վենետիկ 1877 (այսուհետ՝ ԵԽՍԵԲԻՈՍ, Պատմութիւն), դպրութիւն Ե., գլուխ ԻՊ., 399-401: PG 20, ΕΥΣΕΒΙΟΥ ΤΟΥ ΠΑΜΦΙΛΟΥ Εκκλεσιαστικές ιστορίας, λόγος Ε', κεφάλαιον ΚΔ', coll. 497-508:

364 «... յոր օր եօթնեկին հանդիպեսցի՝ լուծումն պահոց առնել» (անդ, դպրութիւն Ե., գլուխ ԻՊ., 394): «... ὅποια δ' ἀν ἡμέρᾳ τῆς ἐβδομάδος περιτυχάνοι, τὰς τῶν ἀστιῶν ἐπιλύσεις ποιεῖσθαι» (PG 20, col. 492):

365 Ասիայի եպիսկոպոսապետ Պողիկրատոսը, Վիկտորին գրած իր նամակում հաւաստիացնում է, որ իրենք պահում են հեուց ի վեր աւանդուած սովորութիւն եւ ոչինչ ո՛չ աւելացնում են, ո՞չ ել պակասեցնում։ Նա թուարկում է մեծանուն սրբերի, այդ թուում ս. Փիլիպպոս առաքեալին եւ նրա դաստիերին, ս. Յովհաննէս Առաքեալին եւ ս. Պողիկրարպոս Զմիւնացուն։ «Առժա ամենելենան, - հաւաստիացնում է Պողիկրատոսը, - պահեցին զօրմ չորեխտասամերորդ Զատիկի, որպէս եւ աւետարանն ասաց, եւ իւիք ոչ խոտորեցան, այլ ըստ կանոնի հաւատոց ընթացան» (Անդ, գլուխ ԻՊ., 397): «... οὐτοὶ πάντες ἐτίρησαν τὴν ἡμέραν τῆς τεσσαρεσκαιδεκάτης τοῦ πάσχα κατὰ τὸ εὐαγγέλιον, μηδὲν παρεκβαίνοντες, ἀλλὰ κατὰ τὸν κανόνα τῆς πιστεως ἀκολουθοῦντες» (PG 20, col. 496):

366 Սոկրատ Մքոլաստիկոսի Եկեղեցական պատմութիւն եւ Պատմութիւն վարուց սրբոյն Սևիրեստրոսի եպիսկոպոսի Հռովմայ, Վաղարշապատ 1897: ΣΩΚΡΑΤΟΥΣ ΣΧΟΛΑΣΤΙΚΟΥ Εκκλησιαστική Ιστορία (PG 57).

երկու աւանդութիւններից առաջինը սահմանուած է և Յովհաննէս առաքեալի, իսկ երկրորդը՝ ու Պետրոս եւ ու Պօղոս առաքեալների կողմից: Բայց, քանի որ այս մասին գոյութիւն չունի որեւէ գրաւոր փաստ, նա ենթադրում է, որ պարզապէս Զատիկը իւրաքանչիւր երկրում տօնում էին՝ ըստ տեղական սովորութեան<sup>367</sup>: Պատմիչը նկատում է, որ իր իսկ ժամանակ տարբեր երկրներում գործող Քառասնորդական պահքի տարբեր աւանդոյթները հետեւանքն են հնուց եկող այդ երկու տարբեր սովորութիւնների<sup>368</sup>:

Յատկանշական է, որ Երանոսը, իր նամակում յորդորելով Ձատկանշական է, որ Երանոսը, իր նամակում յորդորելով Վիկտորին՝ չբանադրել Փոքը Ասիայի Եկեղեցիներին, դա պատճառաբանում է նրանով, որ նախկինում էլ, Երբ ամէնուր միակ կերպ չէր պահւում Զատիկը եւ նախազատկական պահքը, դա չէր խանդարում, որ բոլորը փոխադարձ սիրոյ եւ նուիրական չէր խանդարում, որ բոլորը փոխադարձ սիրոյ եւ նուիրական չաղորդակցութեան մէջ լինէին<sup>369</sup>: Իհարկէ, ի սկզբանէ չէին կահաղորդակցութեան մէջ լինէին<sup>369</sup>:

368 «Իսկ ինձ բուի, եթէ զոր աւրինակ այլ ինչ շատ ըստ աշխարհոց առվորութիւն է, առ այսպէս եւ Զատկին տակ յիշրաբանչիւրսի ի առվորութենէ իմնմնէ իրացեալ ուներ զիտրութիւնսն, փասն եւ ոչ մի ինչ առաքելոցն, որպէս ասացի, աւրինադրեցին» (անդ, 459): «Εμοὶ δὲ φαίνεται, ὅτι ὁσπερ ἄλλα πολλὰ κατὰ χώρας συνήθειαν ἔλαβεν, οὕτω καὶ ἡ τοῦ Πάσχατοι, ἐότι παρ' ἑκάστοις ἐκ συνηθείας τινὸς ἰδιάζουσαν ἔσχε τὴν παρατήρησιν, διὰ τὸ μηδένα τῶν ἀποστόλων, ὡς ἔφην, μηδενὶ νενομοθετηκέναι περὶ αὐτῆς» (PG 57, col. 628).

ըող քրիստոնեաների մէջ կենցաղավարել խիստ տարբեր աւանդոյթներ: Ուստի ենթադրում է, որ Զատիկը, լինելով Եկեղեցու ամենավաղ ամէնամեայ տօնը, պէտք է ունենար մէկ ընդհանուր նախնական տարբերակ, որ յետագայում, Հռոմէական կայսրութեան ահռելի տարածքի տարբեր կենտրոններում ստացել է տարբեր զարգացումներ: Արդի գիտնականների մեծ մասը հակուած է այն կարծիքին, որ այդ ամենանախնական Զատիկը հիմնականում եղել է նման հէնց նրան, ինչը Բ. դարի վերջում դեռեւս գործում էր Փոքր Ասիայի Եկեղեցիներում: Գոյութիւն ունեն բազմաթիւ ուսումնասիրութիւններ, որոնցում փորձ է արւում ընդհանուր գծերով ներկայացնել հնագոյն քրիստոնէական Զատիկը, որ, ենթադրում է, պէտք է լինէր հրէական Զատիկի փոխակերպուած տարբերակը: Սակայն այս հնագոյն աւանդութեան մասին մեզ շատ քիչ տեղեկութիւններ են հասել, ոչ միայն նրա վաղեմութեան պատճառով, այլև՝ որոշակի պահից սկսած, Եկեղեցու նուիրապետների խիստ մերժողական վերաբերմունքի: Զատիկը Նիսանի 14ին տօնելու առիթով, այն պահողներին սկսեցին անուանել չորեքտասաններորդականներ, ինչը արդէն նրանց իբրեւ աղանդ հռչակող իւրաքանչուկ բացասական դրոշմ էր: Եւսեբիոս Կեսարացին, մէջբերելով հանդերձ Պողիկրատ Եփեսացու († 196) նամակը<sup>370</sup>, որ փաստում է չորեքտասաններորդական աւանդութեան պատմական վաղեմութիւնը, ակընյայտ համակրանք է ցոյց տալիս այն «մոլորութիւն» անուանող եւ Զատիկը Կիրակի օրը տօնելն իբրեւ առաքելական աւանդութիւն ներկայացնող նուիրապետների հանդէպ<sup>371</sup>:

---

ποικιλία τῶν ἐπιτηρούντων οὐ νῦν ἐφ' ἡμῶν γεγονυῖα, ἀλλὰ καὶ πολὺ πρότερον ἐπὶ τῶν πρὸ ἡμῶν, τῶν παρὰ τὸ ἀκριβές, ὡς εἰκός, κρατούντων τὴν καθ' ἀπλότητα καὶ ἴδιωτισμὸν συνήθειαν εἰς τὸ μετέπειτα πεποικότων, καὶ οὐδὲν ἔλαττον πάντες οὗτοι εἰρήνευσάν τε καὶ εἰρηνεύομεν πρὸς ἀλλήλους, καὶ ἡ διαφωνία τῆς νηστείας τὴν ὄμονοιαν τῆς πίστεως συνίστησιν» (PG 20, col. 504):

370 Անդ, 396-398: PG 20, coll. 493-497:

371 «Իսկ եպիսկոպոսումն, զորս եւ յառաջ քանի զակաւ մի յիշեցամ, ... եւ որք միանգամ գումարեցան միարան ժողովով սակա խնդրոյս այսորիկ, գրելով վասն տուչութեանն յառաքելոց անտի կարգաւ հասելոյ առ նուա վասն Զատկին՝ ի կատարածի գրոց յաւելուն այսպէս. փոյթ յանձին կալարում տալ տանել զպատճէն թղթոյս այսորիկ ամենայն Եկեղեցեաց, զի մի՛ եղիցում մեր պատճառք այնոցիկ, որ դիւրաւ մոլորեցուցանեն զանձինս իւրանց» (անդ, գլուխ ԻԵ., 401-402): «օ՛ ց մին ἐπὶ Παλαιστίνης, οὓς ὀρτίως διεληλύθαμεν, ... οἵ τε μετὰ τούτων συνεληλυθότες, περὶ τῆς κατελθούσης

Եւսեբիոսի այս երկակի պահուածքը թերեւս բխում է մի  
կողմից՝ պատմական փաստերը առարկայօրէն գնահատելուց, միւս  
կողմից՝ Եկեղեցում միեղին համակարգ հաստատելու մտահոգու-  
թիւնից։ Հստ միջնադարեան Եկեղեցաբանական ըմբռնումների,  
արդէն ծիսականոնական ամրագրում ստացած աւանդութեանը  
վերագրում էր վերին նախասահմանուածութիւն։ Այս պատճա-  
ռով, իւրաքանչիւր արմատական փոփոխութիւն (ինչը, Եկեղեցա-  
կան կարգերի զարգացման սկզբնական շրջանում, Երբեմն խիստ  
ընական էր ու անխուսափելի), որին յանգում էին յատկապէս  
գլխաւոր նուիրապետական կենտրոններում, պէտք էր ներկայաց-  
նել իրեւ միակ ճշմարիտն ու նախնականը, իսկ այն, ինչն ար-  
դէն մերժուել է՝ եթէ հնարաւոր չէր լինում լիովին մոռացու-  
թեան մատնել եւ շարունակում էր կենցաղավարել այլ կենտ-  
րոններում, մատուցւում էր որպէս օտարամուտ, հերձուածողա-  
կան, ի սկզբանէ «առաքելական» օրհնութիւնից զուրկ սովորոյթ։  
Այսպիսի «ճակատագիր» ունեցաւ նաեւ Զատիկի հնագոյն աւան-  
դութիւնը։ Շատ ժամանակակից պատմամատենագէտներ, բաւա-  
կան երկարատեւ պարզաբանումներից եւ նոր փաստերի յայտնա-  
բերելուց յետոյ, գտնում են, որ արդէն գոյութիւն ունեն բա-  
ւական հաստատուն հիմքեր՝ ընդունելու համար, որ չորեքտասա-  
ներորդական Զատիկը ոչ թէ մէկն էր Եկեղեցու կողմից մեր-  
ժուած «չարափառ» սովորոյթներից, այլ՝ առաջին քրիստոնէա-  
կան համայնքներում գործող վաղագոյն աւանդութիւն<sup>372</sup>, որ նը-  
կան համայնքներում գործող վաղագոյն աւանդութիւն, որ  
շանակալից հետք է թողել առաքելական Եկեղեցիների Զատկա-  
կան ծիսակարգում։ Այս պատճառով այն աւելի քան ուշագրաւ է  
կան ծիսակարգում։ Այս պատճառով այն աւելի քան ուշագրաւ է  
եւ ուսումնասիրութեան արժանի։ Ստորեւ կը ներկայացնենք չո-  
րեքտասաններորդական Զատիկի, նրա ծիսակարգի եւ խորհրդա-  
բանութեան հիմնական կողմերը, որքանով որ դրանք աղերսում  
են մեր ուսումնասիրութեան խնդիրների հետ։

είς αὐτοὺς ἐκ διαδοχῆς τῶν ἀποστόλων περὶ τοῦ πάσχα παραδόσεως πλεῖστα διειληφότες, κατὰ τὸ τέλος τῆς γραφῆς αὐτοῖς ρήμασιν ἐπιλέγουσιν ταῦτα: «τῆς δὲ ἐπιστολῆς ήμῶν πειράθητε κατὰ πᾶσαν παροικίαν ἀντίγραφα διαπέμψασθαι, ὅπως μὴ ἔνοχοι ὅμεν τοῖς φαδίως πλανῶσιν ἑαυτῶν τὰς ψυχάς» (PG 20, col. 508):

<sup>372</sup> ομεν τοις βασιοις πλανων, *ταπετηρηση της αποστολης*, 1996, 10, 10.

Sh'ua, օրինակ, ROUWHORST, G. A., *The Quartodeciman Passover and the Jewish Pesach in Les Questions Liturgiques: Revue Trimestrielle* (77), 1996 (այսուհետև՝ ROUWHORST, *The Quartodeciman Passover and the Jewish Pesach*), 159; BRADSHAW, P. F., *The Origins of Easter*, in *Between Memory and Hope*, 112:

## ԶՈՐԵՔՏԱՍԱՆԱՆԵՐՈՐԴԱԿԱՆ ԶԱՏԻԿԸ ԵՒ ՆՐԱՆ ՆԱԽՈՐԴՈՂ ՊԱՀՔԸ

Ընդունելով հանդերձ, որ չորեքտասաներորդական Զատիկը նախորդել է կիրականօրեայ Զատիկին եւ դրանով այն համարելով հնագոյնը, բնաւ չենք կարող ասել, որ առաքեալներն ի սկզբանէ Զատիկը տօնել են նիսանի 14ին։ Առհասարակ քիչ է հաւանական, որ առաքեալների ժամանակ կենցաղավարէր ամէնամեայ քրիստոնէական Զատիկի տօնախմբութիւն։ Առաջին դարում Եկեղեցում կարծես թէ չի եղել տարեկան աստուածպաշտական շրջափուլ, այլ միայն շաբաթական՝ կիրակնօրեայ հաւաքոյթներով<sup>373</sup>։ (Եւ, այս առումով, կարելի է ասել, որ, յանգոյն միաշաբաթ-կիրակիների, Քրիստոսի յարութեան յիշատակումը միշտ ունեցել է մեծ տօնական կշիռ եւ արժէք։) Բայց չի բացառում, որ իսկապէս, ու Յովհաննէս Աւետարանչի կենդանութեան ժամանակ արդէն ձեւաւորուած լինէր ամէնամեայ զատկական տօնախմբութեան նոր աւանդութիւն, ընդ որում՝ որոշակի-օրէն տարբերուող կիրակնօրեայ հաւաքոյթների խորհրդից։ Առաջին հերթին պէտք է արձանագրել, որ այն համարում էր Քրիստոսի խաչելութեան տարելիցը, որ անմիջականօրէն աղերսուում էր հրէական բաղարջակերաց տօնի եւ նրա ժամանակի հետ։ Ուստի ենթադրելի է, որ այդ տօնը, յատկապէս հրեայ քրիստոնեաների համար, շարունակել է համարուել տարուայ ամենանշանակալից եւ նուիրական օրը։ Եւ շատ բնական է, որ հին հրէաքրիստոնէական համայնքներն աւանդական հրէական Պատեքը տօնէին իւրայատուկ քրիստոնէական բովանդակութեամբ<sup>374</sup>, ինչն աստիճանաբար զարգացել եւ վերաճել է կազմակերպուած ընդհանուր տօնախմբութեան։

Եւ այսպէս, քրիստոնէական Զատիկի ամէնամեայ տօնակատարութեան ծագումն ուղղակիօրէն առնչւում է հին հրէական Զատիկի հետ։ Աւելի ստոյգ՝ այդ օրուան նախորդող այն ժամերի, երբ հրեաները մորթում էին զատկական գառները։ Իսկ սա ինքնին կապւում է նիսանի 14ի հետ։

Բնականաբար, քրիստոնէական Զատիկը, ժառանգելով հանդերձ հին Զատիկի որոշակի յատկանիշներ եւ տարրեր, պէտք է

373 TALLEY, T. J., *History and Eschatology in the Primitive Pascha*, in *Between Memory and Hope*, 100.

374 LOHSE, B., *Das Passafest der Quarladecimander*, Göttersloh 1953, 139-138.

ունենար նաեւ նրանից սկզբունքօրէն տարբերուող եւ էապէս հակադրուող բնոյթ։ Սոյն ուսումնասիրութեան սահմաններում մենք չենք ընկղմուի այդ ծէսի մանրամասների մէջ, այլ կը շօ- շափենք նրա այն պահերը, որոնք առնչում են մեզ յուզող խըն- դիրների հետ։ Արդ, առաջին հերթին կարեւոր է նշել չորեք- տասաներորդական Զատիկի սերտ կապը պահքի հետ։ «Զատիկը՝ ուտելուց՝» սուրբ պատարագից եւ ագապէի սեղան նստելուց ա- ռաջ պահուող պահքը չորեքտասաներորդականների համար ոչ թէ սոսկ տօնին նախորդող նախապատրաստական նշանակութիւն ունէր, այլ նրա բաղկացուցիչ մասն էր։ Տօնախմբութեան մաս- նակիցները գտնուում էին խիստ պահքի մէջ, պահքի՝ ոչ միայն մարմնական, այլեւ՝ հոգեկան-յուզական առումով։ Դա ծիսաբա- րեպաշտական ողբ էր՝ կապուած Քրիստոսի խաչելութեան յիշա- տակման հետ՝ այդ իրադարձութեան ճիշտ տարբեցին։ Բայց այդ յիշատակումը խորապէս կապուած էր նաեւ Զատիկի հինկտակա- 375 թիշտականի նախապատրաստական մասին հետ։ Մի կողմից, այդ կապը զուտ ա- ռանեան աւանդութեան հետ։ Մի կողմից, դրանով իսկ շեշտա- ւանդական փոխառութիւն էր, միւս կողմից, դրանով իսկ շեշտա- գրուում էր, որ Նիսանի 14ին մորդուող զատկական գառը 376 Յիսուսի նախապատկերն էր, եւ որ հրէական մեծագոյն տօնը կայում էր այն փրկագործութեան մասին, որն արդէն կատա- վկայում էր այն փրկագործութեան մասին, որն արդէն կատա- վկայում էր Քրիստոսի ինքնապատարագմամբ։ Այս պատճառով տօնի ըստել է Քրիստոսի ինքնապատարագմամբ։ Այս պատճառով տօնի ծիսակարգն ընդգրկում էր ընթերցուածներ Հին Կտակարանի գրքերից, ինչով ընդգծուում էր, որ Քրիստոսն է «կատարումն օ- րինաց եւ մարգարեից»։

Ծէսի կարեւոր մաս էին կազմում ընթերցուած սուրբգրա-  
յին հատուածների մեկնաբանութիւնները եւ նրանց առիթով կար-  
դացուող քարոզները<sup>377</sup>, որոնցից մեզ հասած կարեւորագոյն նը-  
մուշներից են Մելիտոն Սարդինացու († ~190) եւ Ափրահատի (†  
~345)` Զատիկին նուիրուած ճառերը: Եթէ Մելիտոնին աներկ-  
բայօրէն կարելի է համարել չորեքտասաներորդական, իսկ նրա  
ճառօրէն կարելի է համարել չորեքտասաներորդական, Զատիկի «դասական» գրութիւն,  
ճառը՝ չորեքտասաներորդական Զատիկի «դասական» գրութիւն,  
ապա Ափրահատին կարելի է համարել չորեքտասաներորդական  
Զատիկի ժառանգորդ, ով, սակայն, հանդէս է գալիս այն նոր՝  
շարժական եռօրեայ (այսինքն՝ ուրբաթից կիրակի յարաձգուող)

375 b1 d.p,3-24:

376 Ես օգ, 7; Գծ Ը, 32-35, Ակր Ե, 7; Յան Ե, 6:

<sup>377</sup> ROUWHORST, *The Quartodeciman Passover and the Jewish Pesach*, 163.

377 ROUWHORST, *The Queen's*

**Զատիկի տօնախմբութեան փոխակերպելու նախաձեռնութեամբ:** Այսուհանդերձ, նա իր ճառի ողջ հիմնական բովանդակութիւնը կառուցում է ըստ նախկին՝ չորեքտասաներորդական Զատիկին նուիրուած ճառերի աւանդութեան: Թէեւ երկու հեղինակներին բաժանում է մօտ 150 տարի, սակայն Զատիկի մասին նրանց խորհրդածութիւններում առկայ բազում ընդհանուր կողմերը հնարաւորութիւն են տալիս առաւել առարկայօրէն պատկերացնելու Արեւելքում այդ աւանդութեան կայուն տեւականութեան մասին: Եւ ակներեւ է դառնում, որ չորեքտասաներորդական Զատիկի հին աւանդութիւնն Արեւելքում պահպանուել է առնուազն մինչեւ Դ. դարի կէս: Եթէ Մելիտոնի գրութիւնը<sup>378</sup> ներկայացնում է հէնց այն նախանիկիական ժամանակաշրջանը եւ Փոքր Ասիայի հէնց այն Եկեղեցիների աւանդութիւնը, որոնց դէմ ժամանակին հանդէս եկաւ Հռոմի եպիսկոպոսապետը, ապա Ափրահատի ճառը<sup>379</sup> կարելի է համարել չորեքտասաներորդական Զատիկին նուիրուած ճառերից մեզ հասած ամենավերջին «նմոյշ-օրինակը», որում արտացոլուել է նաեւ յետնիկիական շրջանում սկսուած՝ ամէնուր կիրակնօրեայ Զատկական ծիսակարգ հաստատելու հրամայականը: Այս առումով, երկու գրութիւնների համեմատումն առիթ է՝ արձանագրելու համար հէնց այդ փոխակերպման ան-

378 PERLER, O., *Méliton de Sardes. Sur la Pâque*, SC 121, Paris 1966; HALL, S. G., *Melito of Sardes. On Pascha and fragments*, Oxford 1979; *On Pascha with the Fragments of Melito and Other Material Related to the Quartodecimans*, Translated, introduced, and annotated by STEWART-SYKES, ALISTAIR, St Vladimir's Seminary Press, Crestwood, New York 2001.

379 Demonstratio XII, *De Paschate in Patrologia Syriaca*, Pars prima, Tomus primus, *Aphraatis Demonstrationes I-XXII*, Paris 1894, coll. 505-540, նաև՝ *The Demonstration on Passover*, in APHRAHAT, *Demonstrations*, II (Moran Etho 24), Translated from Syriac and introduced by VALAVANOLICKAL, KURIAKOSE, Kerala (India) 2005, 18-32, նաև՝ *On the Passover*, in *The Demonstrations of Aphrahat, the Persian Sage*, translated by LEHTO, ADAM (Gorgias Eastern Christian Studies 27), Gorgias Press (USA), 2010, 277-290: Տե՛ս «Գիրք որ կոչի Զօմ արարեալ սրբոյն Յակոբայ երից երանեալ Հայրապետին Մծրին Բաղաժի», Կոստանդնուպոլիս 1824 («Վասն Զատկաց» նառլ՝ 251-265), նաև՝ ANTONELLI, N., *Sancti patris nostri Jacobi Episcopi Nisibeni Sermones cum praefatione, notis, & differatione de Ascetis*, Romæ 1756 («Վասն Զատկաց» նառլ՝ 336-351), նաև՝ Քննական թեմայի մասին ԼAFONTAINE, G., *La version arménienne des œuvres d'Aphraate le Syrien*, Louvain 1977 (tome I), 1979 (tome II), 1980 (tome III) («Վասն Զատկաց» նառլ՝ թ. հն. 133-137 և գ. հն. 135-144):

ցումային հանգամանքը, որ սոյն արտաճառի հիմնական սեւեռակէտն է: Քանզի, ինչպէս կը տեսնենք առջեւում, այդ անցումային շրջանում արծարծուած որոշ սկզբունքների դիտարկումը խիստ կարեւոր է Հայոց Եկեղեցու տօնածիսական աւանդութեան ձեւաւորման հնագոյն ծալքերի վերհանման համար: Մանաւանդոր, ինչպէս յայտնի է, Ավրահատի ճառերի ժողովածուի մի մասը (որ ներառում է նաեւ Զատիկին վերաբերող ճառը) Հայոց Եկեղեցում առկայ է ս. Յակոբ Մծբնեցուն († ~338) վերագրուող ճառերի ոսկեդարեան թարգմանութեամբ<sup>380</sup>: Նշեալ երկերն օդ-նում են բաւական կարեւոր պատկերացում կազմել ոչ միայն չորս քառասաներորդական Զատիկում արծարծուող հիմնական աստուածաբանական խորհուրդների, այլեւ բուն ծէսի ընդհանուր նկարագրի մասին: Վերջինիս բնորոշ եւ, մեր ուսումնասիրութեան համար կարեւոր հանգամանքներից է այն, որ թէեւ այդ Զատիկն անպայման տօնուել է Քրիստոսի խաչելութեան տարելիցին, սակայն չի ունեցել այդ իրադարձութիւնը պատմողաբար ներկայացնելու եւ վերապրելու միտուածութիւն, այլ սեւեռում էր նրա բուն խորհրդի ընկալման եւ հեգեւոր վերաբարձման վրայ:

Թէ՛ Մելիտոն Սարդինացու, թէ՛ Ափրահատի քարոզների մեկնարկային բովանդակութիւնն է Հին օրէնքում զատկական

380 «Գիրք որ կոչի Զգօն արարեալ սրբոյն Յակովայ երիցս երանեալ Հայրապետին Մծրին Քաղաքի», Կոստանդնուպոլիս 1824 («Վասն Զատկաց» ճառը՝ 251-265), նաև՝ ANTONELLI, N., *Sancti patris nostri Jacobi Episcopi Nisibeni Sermones cum praefatione, notis, & differatione de Asceitis*, Romæ 1756 («Վասն Զատկաց» ճառը՝ 336-351), նաև՝ թէնական բնագիրը. LAFONTAINE, G., *La version arménienne des œuvres d'Aphraate le Syrien*, Louvain 1977 (tome I), 1979 (tome II), 1980 (tome III) («Վասն Զատկաց» ճառը՝ Բ. հա. 133-137 և Գ. հա. 135-144)).

գառի զոհաբերման զուգահեռումը Քրիստոսի խաչելութան հետ։ Եւ եթէ Զատիկը հնում խորհրդանշում էր գալիք փրկութիւնը, ապա այժմ այն տօնում է որպէս արդէն կատարուածի յիշատակ-հաստատում։ «Պատկերն անցաւ եւ յայտնուեց ձշմարտութիւնը, – գրում է Մելիտոնը, – [...] գառների գենումը, արեան զոհարերումը եւ Օրէնքի գրեները կատարուեցին Քրիստոս Յիսուսի մէջ, յանուն Ում էլ՝ եղաւ այն ամէնը, ինչ տեղի ունեցաւ Հին օրէնքում»<sup>381</sup>։ Ելնելով այս ըմբռնումից, ե՛ւ Մելիտոնը, ե՛ւ Ափրահատը շեշտում են, որ հին Զատիկն աւարտուել է եւ այլեւս այն ըստ հին օրէնքի տօնելը հակասում էր հինց Զատիկի բուն խորհրդին։ Ուստի հրէական տօնախմբութիւնը ո՛չ միայն սոսկ ծիսական վերապրուկ է, այլեւ՝ իւրօրինակ հակազատիկ, որով նրանք ոչ թէ, ինչպէս նախկինում, նշանաւորում եւ ակնկալում էին Մեսիայի գալուստն ու փրկագործութիւնը, այլ արդէն՝ Հակաքրիստոսի գալուստն ու «աւերածութեան պղծութիւնը»<sup>382</sup>։

Թէեւ չորեքտասաներորդկան Զատիկի ծիսասատուածաբանական առանցքը Գառի զոհաբերումն էր, սակայն տօնը բովանդակութեամբ սեւեռուած չէր միայն այդ իւրադարձութեան վրայ, այլ ընդգրկում էր Քրիստոսի բոլոր փրկական տնօրինութիւնները՝ Նրա ծննդից մինչեւ համբարձում<sup>383</sup>։ Այսպիսի միեղէն ծիսատօնական մօտեցումը բնոյթով աւելի խորքային էր եւ աւելի խորհրդանշական, քան՝ միմետիկ-պատմողականը։ Միօրեայ Պասեք-Զատիկում, փաստորէն, միեղինանում էին Քրիստոսի չարչարանքը, ողբը եւ նրա արդիւնքը՝ քաւութիւնն ու հրաշափառ յարութիւնը։ Ուստի շատ բնական էր, որ նոյն տօնախմբութեան ընթացքում չորեքտասաներորդական Զատիկը վշտալից վիճակից վերաճում էր ցնծագին ուրախութան, եւ զատկական պատրագն ու պահքից դուրս գալը նշանաւորում էր Քրիստոսի յարութեան յիշատակումն ու նրա խորհրդի ծիսական վերապրումը։

Խիստ ուշագրաւ է, որ չորեքտասաներորդական Զատիկի պատարագն սկսւում էր այն պահին, երբ աւարտւում էր հրեաների տօնական ընթրիքը<sup>384</sup>։ Ամենայն հաւանականութեամբ, սա

381 Թարգմ.՝ յունարէն բնագրից եւ անգլերէնից՝ ըստ HALL, S. G., *Melito of Sardes*, նշ. աշխ., 4, 5:

382 Յս Թ, 27:

383 ROUWHORST, *The Quartodeciman Passover and the Jewish Pesach*, 159:

384 Անդ, 160, 164։ Հեղինակը հիմնուում է Ա. Ֆորուսի հրատարակած *Didascalia*ի բնական բնագրում (VÖÖBUS, A., *The Didascalia Apostolorum in*

Համեմատաբար ուշ նորամուծութիւն է եղել<sup>385</sup>։ Հրեաների հետ նոյն պահին չընթրելով, նրանց ուրախութեան հետ մաս չունենալով, փաստօքէն չորեքտասաներորդականներն ընդգծում էին հրէական եւ քրիստոնէական Զատիկների սկզբունքօրէն հակադիր ընկալումները։

*Syriac I-II*, Louvain 1979) առկայ որոշակի հրահանգի վրայ (CSCO 407/408), որ համարում է աւելի հիմ' չորեքտասաներորդական Զատիկին վերանկող աղքաղթերից պահպանուած շերտերից մէկը:

385 բոլոր աւելի բարեկամ Զատիկի ծիսակարգի ակնարկներ պարուսա-  
Չորեկտասանելորդական Զատիկի ծիսակարգի ակնարկներ պարուսա-  
կող հայրերի գրուածքներում նման բացայացն իրահանգ չկայ: Այսու-  
կող հայրերի գրուածքներում է, որ Ափրահատի մօս ընթրիքը բա-  
հանեկեա, Ռոռուհորքը գտնում է, որ Ափրահատի մօս ընթրիքը բա-  
ժանելը Ցուդայի հետահալուց առաջ եւ՝ յետոյ մասերի, թերեւս զուգա-  
հետուում է ընթրիքի յետագման միտումի հետ կամ այդ կարգի հետա-  
գոյն ծագման հախակարապետն է (ROUWHORST, *The Quartodeciman Pas-  
գոյն ծագման հախակարապետն է* (ROUWHORST, *The Quartodeciman Pas-*

<sup>386</sup> ROUWHORST, *The Quartodeciman Passover and the Jewish Pesach*, 160 fn  
d&sp. 48:

մատենագիտական բացայայտումների հիման վրայ, կարծէս թէ հաստատուել ու լայն տարածում էր ստացել այն կարծիքը, որ չորեքտասաններորդական Զատիկի պատարագն սկսում էր առնուազն կէսգիշերից յետոյ՝<sup>387</sup>, սակայն աւելի մեզամօտ ժամանակում կատարուած հետազօտութիւնները ցոյց են տալիս, որ այդ կարծիքը խիստ վիճարկելի է, քանի որ հնագոյն աղբէւրներն աւելի շատ վկայում են ուշ երեկոյեան, քան գիշերային պատարագ-ազապէի մասին<sup>388</sup>: Եւ իսկապէս, եթէ «Didascalia»ում, ըստ Ռոռուհորսթի, ներկայացուած է չորեքտասաններորդական Զատիկի շերտը, ապա հնում հսկումը աւարտուել է ուշ երեկոյեան, քանի որ «Didascalia»ի կանոնում այն սկսում է գիշերուայ «երրորդ ժամին»<sup>389</sup> (ըստ արդի հաշուանքի՝ երեկոյեան ժ. 21:00ին): Այս-տեղից աւելի ակնառու է դառնում, որ չորեքտասաններորդականների հսկումը, որ ծագել է հրեաների ընթրիքի հետ մաս չունենալու սկզբունքից, բնաւ չի կրել ծիսապատմողական բնոյթ եւ իմաստ՝ կապուած Քրիստոսի յարութեան պահին սպասելու հետ, եւ որ վերջինս ծագել է յետագայում՝ կիրակնօրեայ Զատիկի ձեւաւորման ժամանակ: Այլ կերպ ասած, զատկական պահքի եւ հսկման երկարաձգումը սկզբում պայմանաւորուած է եղել միայն հրէական Զատիկից անջատուելու միտումով, եւ միայն յետագայում, եռօրեայ զատկական տօնախմբութեան անցնելուց յետոյ, այն սկսեց ձեռք բերել Քրիստոսի յարութեան պահին սպասելու կամ մինչեւ այն յարաձգուելու իմաստ:

Այստեղ կարեւոր է արձանագրել, որ նոր՝ եռօրեայ ծիսակարգի անցնելու հնագոյն Արեւելեան աւանդութիւններից մեզ հասած նմուշներում յստակօրէն նկատում է, որ փորձ է արուել հէնց գիշերուայ երրորդ ժամն էլ ընդունել իբրև Քրիստոսի յարութեան պահը՝ սրանով իսկ միաւորելով հսկման նոր իմաս-

387 Հատ Բենարդ Լոգի, ագապէն սկսուել է գիշերուայ երեմին (LOHSE, B., *Das Passafest der Quartadecimaner*, Gütersloh 1953, 44, 83, 89), իսկ Գերարդ Ռոռուհորսթի համոզմամբ՝ կէսգիշերից յետոյ (ROUWHORST, *The Quartodeciman Passover and the Jewish Pesach*, 164).

388 BUCHINGER, H., *Breaking the Fast: The Central Moment of the Paschal Celebration in Historical Context and Diachronic Perspective*, in *Sanctifying Texts, Transforming Rituals (Encounters in Liturgical Studies)*, Volume 5, 2017 (E-Book (PDF), ISBN: 978-90-04-34708-3), 192, 194.

389 FUNK, *Didascalia et Constitutiones apostolorum*, V.14.17, 278; V.19.1,6, 290, 292; V.20.9, 296.

տաւորումը հին աւանդութեան հետ: Այդ նմուշները կը դիտարկենք շուտով՝ համապատասխան համատեքստում:

Եւ այսպէս, մեզ հասած գրութիւնների չնորհիւ, մենք որոշակի պատկերացում ունենք հնագոյն քրիստոնէական Զատիկի ընդհանուր տիպաբանութեան մասին, որ նախորդել է կիրակնօրեային ինչպէս Արեւելքում, այնպէս էլ Արեւմուտքում, այն տարբերութեամբ, որ Արեւմուտքում նրա փոխակերպումը կիտարբնօրեայի տեղի է ունեցել շատ աւելի վաղ: Թերեւս այս հանդամանքը բաւական մեծ նշանակութիւն է ունեցել, որպէսզի Զատիկի արեւմտեան եւ արեւելեան ծիսասատուածաբանական զարգացումներն ընթանային սկզբունքօրէն տարբեր ուղղութիւններով: Պէտք է ի նկատի ունենալ նաեւ, որ Արեւելքում էլ, յատկապէս Գ.-Դ. դարերում, չորեքտասասներորդական Զատիկը տարբեր երկրներում ու Եկեղեցիներում նշւում էր ոչ միեւնոյն կերպով, եւ գոյութիւն ունէին տարբեր տեղային աւանդութիւններ: Ուստի նրանցից իւրաքանչիւրը, նոր՝ կիրակնօրեայ Զատիկի սահմանակարգի անցնելիս, պէտք է թողնէր իր որոշակի հետքը, երբեմն էլ՝ պայմանաւորէր այդ ծիսակարգի ամբողջ բընոյթը՝ ներառեալ նաեւ հսկման սկսուելու եւ աւարտուելու ժամերը:

*Շարունակելի*

ՏԻԳՐԱՆ ԽԱՉԱՏՐԵԱՆ

## Summary

# THE FAST OF CATECHUMENS IN THE WORKS OF ARMENIAN CLASSICAL AUTHORS

## HISTORICAL BACKGROUND AND THE THEOLOGICAL SIGNIFICANCE OF THE RELATIONSHIP BETWEEN FAST OF CATECHUMENS AND LENT

(SUPPLEMENT-EXCURSUS TO CHAPTER 5)

TIGRAN KHACHATRYAN

(Cont. 2 «Bazmavep», 180(2022), No1-2, 129-183)

The research examines in detail created for more than 10 centuries (IV-XV) works dedicated to the Fast of Catechumens, which begins three weeks before Lent and is characteristic only of the Armenian Church. The time evolution of these works is shown, starting with historical evidence, hinting at the emergence of this post, ending with mature theological-symbolic commentaries.

In the work, it is shown how the texts devoted to the Fast of Catechumens, in each century received a certain direction and development.

The research highlighted the critical writings of heterodox authors against the Fast of Catechumens, in particular, the Greek-Byzantine and Georgian pamphlets and fables, which caused more and more the creation of polemical texts from the teachers of the Armenian Church.

Throughout the analysis, several historical prerequisites were revealed that may solve the secret of the origin of the Fast of Catechumens.

This excursus attempts to show the historical background that served as the reason for the establishment of Fast of Catechumens in the Armenian Church and its correlation with Lent.